

舒馳遠

傷寒集註
五



六經定法

進賢舒詔馳遠著

太陽病頭項強痛腰背骨節疼痛惡寒發熱此為太陽經証

微汗者為風傷衛法主桂枝湯以驅衛分之風桂枝白芍甘草生姜

大壯熱無汗者為寒傷營法主麻黃湯以發營分之寒麻黃

桂枝杏頭身疼痛發熱惡寒不汗出而煩燥者為風寒兩

傷營衛法主大青龍湯營衛互治風寒並驅麻黃桂枝杏仁甘草

大棗石膏芒非煩燥石膏不可太陽邪傳膀胱口渴而小

便不利此為太陽証法主五苓散以去膀胱邪猪苓茯苓白米澤瀉肉桂按小便

不利氣化不行病在氣分不可用猪苓血分之藥當以桔梗易之太陽腑証有蓄尿蓄熱一端膀胱有尿熱邪入



而擗之則少腹滿為蓄尿若無尿熱邪入無所搏則有為
少腹不滿為蓄熱蓄尿者倍肉程蓄熱者易消石

蓄尿過多膀胱滿甚脹翻出竅尿不得出腫脹異常者為

為癰閉不可用五苓愈從下利其脹愈加而竅愈塞尿愈

不得出法宜白芫宣揚胸膈砂仁半夏醒脾開胃肉桂化氣桔梗提牛

姜升散如壺吸蓋使上焦得通中樞得運而後膀胱之氣

方能轉運斯竅自順而尿得出若少腹硬滿小便自利者

為膀胱蓄血詳見太陽上篇

陽明病前額連眼眶脹痛鼻氣而流清發熱不惡寒為此

陽明經証法主葛根以解陽明之表口燥心煩汗出惡熱渴欲

飲冷此熱邪漸入陽明之裏法主白虎湯以撤其熱石膏知母甘草梗米張

不眠聲音响。口臭氣粗。身輕惡熱。而大便閉者。此熱邪歸陽

明之。法主小承氣湯微瀉其熱。畧開其閉。大黃枳實厚朴加之胃

實腹滿微發譫語者。可以調胃承氣湯以瀉其熱。實而去其

滿。大黃芒硝甘草更加舌胎乾燥。噴熱如火。痞。胸腹滿。胸腹實。胃

痛燥。便閉堅。按之與夫狂譫無倫者。法主大承氣湯急驅

其陽以收其陰。大黃芒硝厚朴枳實

少陽頭痛在側耳。驚悸嘔。不欲食。胸脇滿。往來寒熱。此為少陽

經。法主柴胡湯以解少陽之表。柴胡半夏人參口苦咽乾

目眩。此為少陽法主黃芩以瀉少陽裏熱。甘草生薑大棗

太陰腹滿而吐。食不下。時腹自痛。自利不渴。手足自溫。法

主理中湯加砂半人參白朮乾姜甘草砂仁半夏若胸膈不開飲食無味

而氣咳嗽者乃留飲為患法宜理脾滌飲黃芪白朮砂仁

若由胃而下走腸間漉漉有聲微痛作泄者名曰水飲

前藥內加附桂若由胃而上入胸膈咳逆倚息短氣不得卧者

曰支飲即于前藥內加故紙益智若由胃而旁流入脇咳

引刺痛者名曰懸飲即于前藥內加芫花若由胃而溢

出四肢痺軟痠痛者名曰溢飲即于前藥內加虎骨威靈

加附又有著痺行痺二症流走無定者為行痺與溢飲相

似而証不同乃為火旺陰虧熱結經隧熱腫痛手不可

近溢飲不赤不執法宜清熱潤燥人參竹瀝生地阿膠天冬王



身目為黃而小便不利不惡寒者為陽黃法宜茵陳五苓

散若腹痛厥逆身重嗜臥而發黃者為陰黃法宜茵陳附

子湯

人參白朮茯苓附子乾姜茵陳

少陰真陽素旺者外邪傳入則必協火而動心煩不眠肌

膚燥煉神氣衰減小便短而咽中乾法主黃連阿膠湯分

解其熱潤澤其枯

黃連黃芩白芍阿膠雞子黃

真陽素虛者外邪則必

傷水而動陽熱變為陰寒目瞋倦臥聲低息短少氣懶言

身重惡寒四肢逆冷腹痛作泄法主溫經散邪回陽止泄

附子

乾姜黃芪白朮半夏砂仁故紙益智

厥陰有純陽無陰之証有純陰無陽之証有陰陽錯雜之



北京中医药大学图书馆藏

証張目不眠聲音响嚏口臭氣粗身輕惡熱熱深厥深上

攻而為喉痺下攻而便膿血此純陽無陰之証也法主破

陽行陰以通其厥喉痺者用玉竹天冬麥冬石膏雞子

雞子甘寒潤燥其白象天輕清上浮用四肢厥冷爪甲青

黑肢痛拘急下利清穀嘔吐酸苦冷厥關元此純陰無陽

之証也法主驅陰止泄以回其陽附子乾姜砂仁半夏腹

中急痛吐利厥逆心中煩熱頸索冷飲飲而即吐煩渴轉

增腹痛加刺此陰陽錯雜之証也法主寒熱互投以去錯

雜之邪附子乾姜砂仁半夏黃芪白朮吳萸川椒

凡病總不外乎六經以六經之法按而治之無不立應



一經見証卽用一經之法。經証腑証兼見卽當表裏兩
解。若太陽與陽明兩經表証同見卽用桂枝葛根湯合
解兩經之邪。兼少陽更加柴胡。兼口渴而小便不利卽
以三陽表藥加入五苓散之中。兼口苦咽乾目眩更加
黃芩。兼口燥心煩渴欲飲冷當合用白虎湯于其間。併
三陽表裏而俱解之。若三陽表証與三陰裏寒同見謂
之兩感卽當用解表于溫經之內。若裏重于表者但當
溫裏不可兼表。無論傳經合病併病陰陽兩感治法
總不外乎此。

病有陰陽之辨不得其法無從分認卽如舌胎乾黑芒

刺滿口。皆有陰陽之分。有為少陰中寒真陽遭其埋沒

不能薰騰津液而致舌胎乾黑。芒刺滿口者法當

救陽陽回則津回。方用附子乾姜黃芪白朮半夏砂仁

故紙等藥。其証必目瞑嗜臥聲低息短少氣懶言身重

惡寒此辨陰病十六字有為陽明火旺燥乾津液而舌胎乾黑

起刺者法當驅陽救陰陰回則津回。方宜斟酌于白虎

承氣諸法以消之。其証必張目不眠聲音响皖口臭

氣相身輕惡熱此辨陽病十六字凡辨者証總不外此陰陽各十六字

又如厥逆一証亦有陰陽之分凡四肢厥逆者外見張

目不眠聲音响皖口臭氣粗身輕惡熱之証為陽厥法



主破陽行陰。以通其厥。若外見目瞑倦卧。聲低息短。少
氣懶言。身重惡寒之証。爲陰厥。法主驅陰散邪。以回其
陽。

又如譌語一証。原有陰陽虛實不同。經言實則譌語虛
則鄭聲。在陽明爲實。証爲譌語。乃陽明胃實燥結不通。
陽火亢極。真陰立亡。而神明內亂。狂譌無倫。法主大承
氣湯急驅。其陽以救其陰。在少陰爲虛。証爲鄭聲。乃少
陰中寒。魄汙出而下利。氣虛陽脫。神魂無主。細語呢喃。
錯亂顛倒。法當急回其陽以固其脫。方用附子炮姜人
參黃芪茯苓白朮故紙益智等藥。二証陰陽均以上
十六字訣辨之。



又如煩燥一証陰陽互關曰陽煩陰燥又曰煩出于
燥出于腎其實不然煩者未有不燥燥者未有不煩煩
燥皆同而証之陰陽不同有為少陰亡陽身熱多汗而
煩燥者乃腎中真陽隨汗而浮越于外法主附子炮姜
黃芪白朮故紙等以回其陽有為陽明熱越身熱多汗
而煩燥者乃胃中津液隨熱而盡越于外法主人參白
虎等法以撤其熱十二証陰陽亦以上十六字訣辨之

又如昏睡一証在少陰為陰霾盛而陽不開法當急回
其陽以集其陰在陽明為熱盛神昏法當速撤其熱以
退其陽其証陰陽總以上十六字訣辨之
且昏睡與不眠其証不同



而法相同。在陽明。張目不眠者。其常也。然又有
昏之証。其人均爲口臭氣粗。汗出惡熱。其法亦均當推
其熱。在少陰。但欲寐者。其常也。然又有裏陰過勝。隔拒
直陽。隨汗外越。不得內交于陰。亦不得眠。其人均爲頭
懸身重。少氣懶言。其淫亦均當回。其陽

咽喉痛者。有火有寒。寒痛不赤不熱不腫。不作臭穢身
倦惡寒。暑可硬飯飲水吞津。則痛甚。可食硬不火痛者

內外俱腫且赤且熱。氣粗口臭身輕惡熱。水可多飲而
飯粒糝不能下。可食軟不

可食硬

打呃一証。有虛寒有實火。若胃實閉結。陽火上冲而打

呃者真陰立盡之候也

其証張目不眠身輕惡熱

法宜急下以救其

陰若脾氣虛寒健運無權氣不調達而打呃者其勢緩

非死証

其証目眩倦臥身重惡寒

法宜人參白朮附子炮姜甘草

夏丁香白蔻溫中散逆

頭痛一証六經皆有不可妄用川芎藁朮白芷細辛胡

亂瞿撞法當分經用治太陽頭痛連後腦其法分主桂

枝麻黃陽明頭痛在前額主葛根少陽頭痛在兩側主

柴胡太陰濕痰塞壅胸膈如天之陽氣蔽塞地之陰氣

冒明頭爲之痛証兼腹痛自利手足白濕法宜黃芪白

朮炮姜附子砂仁半夏少陰中寒阻截真陽不得上達



陰邪僭犯至高之處則頭痛如劈重不可舉証兼身重

懶言手足逆冷法宜附子乾姜黃芪白朮砂仁故紙

陰頭痛在腦頂蓋陰邪上逆地氣加天証兼腹痛

四肢厥冷四肢作冷為逆冷過肘膝為厥法宜附子乾姜半夏砂仁黃

芪白朮吳萸川椒若血虛肝燥風火相煽上攻頭頂痛

不可近証兼口苦咽乾惡熱喜冷法宜當歸生地黃連

黃芩柴胡龍胆草

凡遇泄瀉法屬太陰宜主理中世醫僅知分利則氣化

愈傷脾土日衰陽神日陷陽光漸墜眼漸昏蒙甚至雙

目不開閉久生瘡而目漸壞此乃陽氣下陷不能升舉



羞光怕日眼皮欲墜津液不上騰目中乾澀緊閉難開而
又謬謂泄動肝火兼之腎水不足轉與泄火滋水在
全代本謂之瀉南補北益西損東愈悞愈深不可爲矣
法宜黃芪白朮附子肉桂補火殖土回陽止泄更加
薏砂仁宣暢脾胃故紙益智收回腎氣則陽回而津自
升自開而瘡自落有等瞳人散大而眼漸昏蒙者乃爲
土敗火衰水邪泛濫法當補火殖土以禦其水世醫皆
謂腎水不足安知水有餘而火不足也如果腎水不足
自必瞳人縮小縮小者火土熬乾腎水也法宜壯水之
主以制陽光

凡遇留飲不可兼滋其陰以致陰愈長而陽愈消。愈虧不能傳布。水穀精氣所生之血。自爲停蓄。逆而吐勢所必至。故治咳嗽悞兼滋陰而釀吐血者。恒多皆由不識陰陽消長之理也。

凡遇嘔吐不可發汗。蓋氣上逆而不下降。更用表藥助其升散。其氣必脫。法宜黃芪白朮炮姜半夏砂仁丁香。吳萸故紙。

上吐下泄者。表証雖重不可發汗。蓋爲上爭下奪。法主理中急用黃芪白朮人參茯苓半夏炮姜砂仁吳萸若兼腹痛厥逆更加附桂川椒。若悞用表藥重耗其陽中。

氣立斷陰陽兩脫。

脾約一証不可發汗其人素稟陽臟多火少水惡熱喜

冷三五日一次大便結燥異常者名為脾約縱有大陽

証壯熱無汗不可發表緣其平素火旺津虧營衛枯燥

汗不可得法宜生地阿膠黑脂麻核桃肉大黃枳實

用麻仁丸今改潤其裏燥通其大便結去津回自汗而

易數味功較勝解設不知此妄投麻桂強發其汗徒令津愈傷而熱愈

結汗與大便愈不可得表裏閉固內火加熾立竭其陰

而死矣故治病而不知救人之津液者真庸工也

統而言之凡病外無表証者俱不可發汗即如當行發